

HARDANGERVIDDA GRUNNEIGARSAMSKIPNAD (HG)

www.hardangerviddagrunneigar.no

nbjoer-v@online.no

HG-NYTT

Nr. 48, april 2022

Red.: Nils Bjørn Vistad

27.04.22

Styremøte i HG, 01.04.22

Styremøte i samband med årsmøte og vårfagmøte for Hardangervidda, i Eidfjord i Hardanger. Hovudsak på styremøtet var *førebuing til HG-årsmøte* seinare same dag,- med gjennomgang av faste årsmøtesaker. Dessutan følgjande saker:

Møte med landbruksminister Sandra Borch, 07.12.21, der HG m.a. tok opp spørsmålet om inndecking av økonomiske tap som fylgje av ekstraordinær nedskyting av villrein som næringsressurs.

Jubileumsmøte i Eidfjord. Nasjonalpåarken på Hardangervidda feira 40-årsjubileum i fjor haust, og HG var representert med leiar Odd Gunnar Vikan og styremedlem Johan Vaa. HG gjorde eit poeng av at næringsbruken av verneområdet hadde blitt mindre «romsleg» enn det ein ved opprettinga forespeglar grunneigerane!

Representasjon i Villreinutvalet. Som ein konsekvens av kommunefusjonen i Hardanger er styret i HG redusert med eitt medlem. Samstundes har oppstått fokus på sammensetjing av Villreinutvalet. Saka er førebils trekt av kartet. Ein vil bruke meir tid,- sidan interessene spriker noko.

Årsmøtet i HG, 2022

Det var som vanleg eit roleg årsmøte, med få frammøtte. Alle faste saker vart handsama og samrøystes godkjent. Styre og sekretær hadde gjerne sett eit sterkare engasjement frå medlemmenes side,- kanskje særleg nå i desse CWD-tider...

Utover dei faste årsmøtesakene var møtet innom: Ferdelsrapportens innhald, med spesiell vekt på framlegg om elektronisk overvaking av motorferdsle. Villreinutvalet si sammensetjing. Nyleg oppretta «dialogutval» mellom myndighetene og lokale interesser m.fl. Revisjon av sti- og løypeplan og Møtet med landbruksministeren rett før jol.



Årsmøtetvalet ga endring i styret. Vårt til alle tider lengstsitjande styremedlem – **Anve K. Myklatun** – fra Eidfjord, trakk seg etter 21 år i styret i HG. Som takk for sin lange innsats og tydelege stemme i alle år, fekk Anve ein gravert kniv av HG-leiar Odd Gunnar Vikan.

Som nytt styremedlem gjekk namnebroren Hans G. Myklatun inn som representant for Eidfjord, med Anders Vatle som vara. Her er Hans t.h. i bildet. Anve held fram som varamann i Villreinutvalet og som nytt valkomitemedlem for Hardanger.

Til venstre for Anve sit Staffan Klasson, årsmøtedeltaker frå Fritzøe skoger (Sterrdalen i Vinje).

YMSE FRÅ VÅRFAGMØTET I EIDFJORD, 02.04.022:

Svein Erik Lund, Villreinutvalet

- Bestand ikr. 5500 dyr før kalving 2022, forventa ikr. 1750 kalv.
- Gamaldbukken er borte.
- I realiteten ingen bestandsplan p.t., men ynskjer jakt som viktigaste forvaltings-verktøy, ein kalvetilvekst på ikr. 1500 dyr og låg andel (ned mot null) vaksen bukk.
- Kvote 2022, som i fjar,- eit fleirtall i høyring støtter dette.
- Kan bli (forventar) krav om ekstraordinært uttak av bukk etter jakta 2022.

Endre Lægreid, leiar Villreinnemnda

- Hovudproblemstilling: Kor langt ned må bestanden «tynast» for å unngå overstyring frå Mattilsynet?
- Viktig at alle strekker seg langt, for å sikre lokal aksept for tiltak!

Vemund Jahren, Miljødirektoratet

- Det er nedsatt arbeidsgruppe «dialoggruppe» (HG-leiar Odd Gunnar Vikan er med her).
- Direktoratet vil ha god dialog med Utval og Nemnd på Hardangervidda.
- Utvida jakt vil skje dersom ynskje om dette lokalt.
- Ordninga med tilskudd til utfrakt av slakt vil bli vidareført.
- Viktig med meir kunnskap om «genetisk levedyktig bestand» Kva tyder begrepet?
- Viktig å fylgje trekk over villreinområdegrensene, jfr. Setesdal Austhei (villrein, elg og hjort).
- Av samla 147.058 dyreprøver hadde 19 rein i Nordfjella og 1 rein på H.vidda klassisk CWD!! (skuldast mest truleg dårlig prøvetaking, enn at CWD ikkje finnест andre stader: S.E.Lund!)

Ingeborg Wessel Finstad, Den norske Turistforening

- Basis for verksemd til DNT: Enkelt, aktivt, allsidig og naturvennleg friluftsliv.
- Ynskjer (behov for) fast utbyggingsgrense mot fjellet i alle kommunar.
- Behov for «statlige planleggingslinjer» i alle fjellområder.
- Behov for arealregnskap i alle kommunar.
- Må ha ny «forvaltningsmodell» for Hardangervidda (jfr. fjellutbygging i Eidfjord og gondolbane i Odda).

Kjetil Heitmann, ny sekr. for Villreinnemnda

- Har tatt initiativ til «reduksjon av villreinforstyrrelsar» vår/sommar 2022:
 - det er for dårlig kondisjon i bestanden
 - alle formelle prosesser tar for lang tid (sti-løypeplan, kvalitetsnormer m.v.)
 - det er for mykje ferdsel i fjellet, særleg påske/ettervinter
- Han har gjennomført «dialogmøter» med mange partar for «dugnad» for redusert ferdsel, men opplever at dei fleste ikkje bryr seg, men vil heller avvente seinare «påbud» som fylgje av dei arbeidene som alt er på gang («i morgen skal eg byrgja, men inkje i dag...»).

Lise-Berit Lian, Buskerud fylkeskommune

- Har overtatt arbeidet med «sti- og løypeplan» etter Ellen Korvald (pensjonist).
- Sekr. i Hardangerviddarådet.
- Har oppretta eit «referanseforum» for arbeidet (der HG er med).